



**LEMBAGA PERTUBUHAN PELADANG**

---

**PEKELILING KETUA PENGARAH BILANGAN 2 TAHUN 2018**

---

**BANTUAN KHAS AIDILFITRI TAHUN 2018**

**1. TUJUAN**

Pekeliling Ketua Pengarah ini bertujuan melaksanakan keputusan Kerajaan untuk memberi Bantuan Khas Aidilfitri Tahun 2018 kepada pegawai Perkhidmatan Awam Persekutuan.

**2. LATAR BELAKANG**

- 2.1 Kerajaan telah memutuskan supaya Bantuan Khas Tahun 2018 dibayar kepada pegawai Perkhidmatan Awam Persekutuan di Gred 41 dan ke bawah sebanyak RM 400 dan turut dipanjangkan kepada pesara Kerajaan yang menerima pensen sebanyak RM 200.
- 2.2 Pekeliling Ketua Pengarah ini adalah bagi maksud menjelaskan mengenai kaedah pelaksanaan Bantuan Khas Aidilfitri Tahun 2018.

### 3. PELAKSANAAN

- 3.1 Bantuan Khas Aidilfitri Tahun 2018 sebanyak RM 400.00 diberi kepada pegawai Perkhidmatan Awam Persekutuan di Gred 41<sup>1</sup> dan ke bawah dengan syarat bahawa pegawai masih berkhidmat sehingga 5 Jun 2018 dan berada dalam perkhidmatan sekurang – kurangnya 30 hari berturut – turut dalam tempoh 1 Januari 2018 hingga 5 Jun 2018.
- 3.2 Tempoh 30 hari berturut – turut adalah termasuk semua jenis cuti bergaji penuh, semua jenis cuti separuh gaji, semua jenis cuti tanpa gaji, Hari Rehat Mingguan, Hari Kelepasan Mingguan dan Hari Kelepasan Am dalam tempoh 1 Januari 2018 hingga 5 Jun 2018.

### 4. PEGAWAI YANG LAYAK

- 4.1 Tertakluk kepada perenggan 3.1 dan 3.2 di atas, pegawai yang layak diberi Bantuan Khas Aidilfitri Tahun 2018 adalah seperti berikut:
- 4.1.1 pegawai lantikan tetap, sementara dan *contract of service*<sup>2</sup>
  - 4.1.2 pegawai yang bercuti bergaji penuh;
  - 4.1.3 pegawai yang bercuti separuh gaji;
  - 4.1.4 pegawai yang bercuti tanpa gaji; dan
  - 4.1.5 pegawai yang dipinjamkan termasuk ke agensi yang diasingkan pengurusan saraannya. Bantuan Khas ini dibayar oleh agensi yang menerima peminjaman pegawai.

---

<sup>1</sup> Pegawai di Gred 41 atau setara. Tidak termasuk pegawai yang sedang memangku di Gred 44

<sup>2</sup> Bagi pegawai di bawah *contract of service*, surat edaran berasingan akan dikeluarkan oleh Kementerian Kewangan.

## **5. PEGAWAI YANG TIDAK LAYAK**

5.1 Pegawai yang tidak layak diberi Bantuan Khas Aidilfitri Tahun 2018 adalah:

5.1.1 pegawai yang dikenakan hukuman tatatertib dalam tempoh 1 Januari 2018 hingga 5 Jun 2018;

5.1.2 pegawai yang ditamatkan perkhidmatan demi kepentingan awam dalam tempoh 1 Januari 2018 hingga 5 Jun 2018; dan

5.1.3 pegawai yang meletak jawatan dalam tempoh 1 Januari 2018 hingga 5 Jun 2018.

## **6. PEGAWAI YANG DITANGGUHKAN BANTUAN KHAS AIDILFITRI**

6.1 Pegawai yang ditahan kerja, digantung kerja atau surat pertuduhan telah dikeluarkan oleh Pihak Berkuasa Tatatertib ditangguhkan Bantuan Khas Aidilfitri Tahun 2018 ini. Pegawai hanya layak diberi Bantuan Khas Aidilfitri Tahun 2018 sekiranya Pihak Berkuasa Tatatertib mendapati pegawai tersebut tidak bersalah.

## **7. PEKERJA SAMBILAN HARIAN**

7.1 Bantuan Khas Aidilfitri Tahun 2018 sebanyak RM400.00 dipanjangkan kepada Pekerja Sambilan Harian (PSH) yang masih berkhidmat pada 5 Jun 2018 dengan syarat tempoh kontraknya telah berkuat kuasa sekurang-kurangnya 30 hari berturut-turut dalam tempoh 1 Januari 2018 hingga 5 Jun 2018.

## 8. PESARA

- 8.1 Bantuan Khas Aidilfitri Tahun 2018 kepada pesara Kerajaan yang menerima pencen dan penerima pencen terbitan pada atau sebelum 5 Jun 2018 di bawah undang – undang pencen akan dibayar sebanyak RM 200.00 oleh Jabatan Perkhidmatan Awam.
- 8.2 Pesara Perkhidmatan awam yang dilantik semula secara *contract of service* dalam tempoh 1 Januari 2018 hingga 5 Jun 2018 layak diberi Bantuan Khas Aidilfitri Tahun 2018 sebanyak RM 400.00 dengan syarat pegawai telah berkhidmat sekurang – kurangnya 30 hari berturut – turut . Pembayaran sebanyak RM 200.00 akan dibuat oleh Jabatan Perkhidmatan Awam dan bakinya sebanyak RM 200.00 akan dibayar oleh jabatan di mana pegawai sedang berkhidmat.
- 8.3 Tempoh 30 hari berturut-turut yang dimaksudkan adalah termasuk semua jenis cuti bergaji penuh, semua jenis cuti separuh gaji, semua jenis cuti tanpa gaji, Hari Rehat Mingguan, Hari Kelepasan Mingguan dan Hari Kelepasan Am dalam tempoh 1 Januari 2018 hingga 5 Jun 2018.

## 9. PEGAWAI YANG MENINGGAL DUNIA DALAM PERKHIDMATAN

- 9.1 Pegawai Perkhidmatan Awam Persekutuan yang meninggal dunia pada 5 Jun 2018 layak diberi Bantuan Khas Aidilfitri Tahun 2018 sebanyak RM 400.00 dengan syarat pegawai telah berada dalam perkhidmatan sekurang-kurangnya 30 hari berturut-turut.
- 9.2 Pembayaran kepada mana-mana penerima pencen terbitan yang layak di bawah undang-undang pencen sebanyak RM 200.00 akan dibuat oleh Jabatan Perkhidmatan Awam dan bakinya sebanyak RM200.00 akan dibayar oleh jabatan terakhir pegawai berkhidmat.

LPP(A)5/10 Jld.21 (4)

9.3 Tempoh 30 hari berturut-turut yang dimaksudkan adalah termasuk semua jenis cuti bergaji penuh, semua jenis cuti separuh gaji, semua jenis cuti tanpa gaji, Hari Rehat Mingguan, Hari Kelepasan Mingguan dan Hari Kelepasan Am dalam tempoh 1 Januari 2018 hingga 5 Jun 2018 .

#### **10. TARIKH PEMBAYARAN**

Bantuan Khas Aidilfitri Tahun 2018 ini akan dibayar pada 5 Jun 2018.

#### **11. TANGGUNGJAWAB PEMBAYARAN**

Bagi pegawai Lembaga Pertubuhan Peladang yang sedang berkhidmat, pembayaran Bantuan Khas Aidilfitri Tahun 2018 ini adalah tanggungjawab jabatan di mana pegawai sedang berkhidmat, manakala bagi pesara Kerajaan, pembayaran tersebut adalah tanggungan Jabatan Perkhidmatan Awam.


#### **12. PEMBATALAN**

Dengan berkuatkuasanya Pekeliling Ketua Pengarah ini, maka Pekeliling Ketua Pengarah Bilangan 11 Tahun 2017 adalah dibatalkan.

### 13. TARIKH KUATKUASA

Pekeliling Ketua Pengarah ini adalah berkuat kuasa mulai tarikh ia dikeluarkan.

Sekian, terima kasih.



**(HAJI HAMZAH BIN HAJI BAHARI)**  
Ketua Pengarah  
Lembaga Pertubuhan Peladang

6 Jun 2018

#### Edaran Kepada :

- Timbalan Ketua Pengarah Pembangunan
- Timbalan Ketua Pengarah Operasi
- Pengarah – Pengarah Bahagian
- Pengarah Unit Integriti
- Pengarah – Pengarah LPP Negeri
- Ketua Cawangan Audit Dalam
- Ketua Cawangan Undang – Undang
- Presiden Persatuan Pegawai-Pegawai Kanan LPP Semenanjung Malaysia (PEKA)
- Yang Dipertua Kesatuan Kebangsaan Penolong Pegawai Ehwal Ekonomi LPP Semenanjung Malaysia (KEPELADANG)
- Yang Dipertua Kesatuan Pembantu-Pembantu Khidmat Peladang LPP Semenanjung Malaysia (KELADANG)
- Yang Dipertua Kesatuan Kakitangan Akaun/Audit LPP Semenanjung Malaysia (KESADA)
- Yang Dipertua Kesatuan Kakitangan Pentadbiran LPP Semenanjung Malaysia (KETADBIR)
- Yang Dipertua Kesatuan Penolong Jurutera LPP Malaysia (KETEKNIK)
- Yang Dipertua Kesatuan Kakitangan LPP Negeri Sabah (KESABAH)
- Presiden Kesatuan Penolong Pegawai Teknologi Maklumat Lembaga Pertubuhan Peladang Semenanjung Malaysia (TEMA)